

საქართველოს ფინანსთა მინისტრის

ბრძანება №460
2023 წლის 4 დეკემბერი

ქ. თბილისი

„ბიუჯეტების შემოსულობების აღრიცხვა-ანგარიშებისა და ანგარიშსწორების განხორციელებისა და ბიუჯეტში ზედმეტად ან შეცდომით გადახდილი შემოსულობის თანხის დაბრუნების, აღრიცხვისა და ანგარიშების შესახებ“ საქართველოს ფინანსთა მინისტრის 2009 წლის 30 დეკემბრის №916 ბრძანებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ვბრძანებ:

მუხლი 1

„ბიუჯეტების შემოსულობების აღრიცხვა-ანგარიშებისა და ანგარიშსწორების განხორციელებისა და ბიუჯეტში ზედმეტად ან შეცდომით გადახდილი შემოსულობის თანხის დაბრუნების, აღრიცხვისა და ანგარიშების შესახებ“ საქართველოს ფინანსთა მინისტრის 2009 წლის 30 დეკემბრის №916 ბრძანებით (სსმ, 30.12.2009, №159, სარეგისტრაციო კოდი: 190.040.000.22.033.014.026) დამტკიცებულ ინსტრუქციაში შეტანილ იქნეს ცვლილება და IX¹ თავს დაემატოს შემდეგი შინაარსის 21³ და 21⁴ მუხლები:

„მუხლი 21³

თუ სახელმწიფო/ადგილობრივი თვითმმართველობის ორგანოს ან/და საბიუჯეტო ორგანიზაციის მიერ თანხის გადახდა შეცდომით განხორციელდა ბიუჯეტის შემოსულობების გადასახადებისთვის განკუთვნილ ერთიან სახაზინო კოდზე, ნაცვლად სხვა სახაზინო კოდისა (რაც დოკუმენტურად დასტურდება), სახელმწიფო ხაზინა უფლებამოსილია, შეცდომით ჩარიცხული თანხა, წერილობითი განცხადების საფუძველზე დაუბრუნოს სახელმწიფო/ადგილობრივი თვითმმართველობის ორგანოს ან/და საბიუჯეტო ორგანიზაციას. თანხის დაბრუნების შესახებ სახელმწიფო ხაზინა აცნობებს შემოსავლების სამსახურს.

მუხლი 21⁴

სახელმწიფო ხაზინა არ ადასრულებს ამ ინსტრუქციის 21³ მუხლით გათვალისწინებულ შეცდომით გადახდილი თანხის დაბრუნების შესახებ განმცხადებლის მოთხოვნას, თუ დოკუმენტაცია არასრული ან დაუსაბუთებელია.“.

მუხლი 2

ეს ბრძანება ამოქმედდეს გამოქვეყნებისთანავე.

საქართველოს ფინანსთა მინისტრი

ლაშა ხუციშვილი

